

ATHA ta keda den margen di 50 pa 52 miembro

ORANJESTAD – Asocia- cion di Trabao di Hubentud na Aruba (ATHA) ta un organisacion cu ta sostene nos hubentud y nan ta stimula trabou bolun- tario entre nos poblacion jong. Pero pa ATHA por desaroya nan proyectonan mester di miembronan activo.

Director di ATHA, sr. Rod- erick Hoek a declara na Bon Dia Aruba cu sin duda nan ta depende di miembronan. Naturalmente nan ta traha pa nan miembronan tambe, ya cu nan ta un organisacion cu ta traha pa mucha- y hoben- nan.

Encuanto e cantidad di miembro, sr. Hoek a bisa cu semper nan ta keda den e margen di 50 pa 52 miembro. Casualmente siman pasa nan

a haya otro fundacion cu a bisa cu nan lo desea afilia pa bira miembro di ATHA.

ATHA ta sostene tur e 50 miembronan aki ya cu nan ta wak e balor di e trabou cu nan ta haci. “Y hopi di nan ta e boluntarionan cu ta haci e trabou. Nos ta sostene nan y nan tambe ta sostene nos den e campaña aki”, sr. Hoek a bisa. E ta referi na e tradi- cional campaña di benta di carchi di Pasco cu a inicia ofi- cialmente diamars ultimo na Museo Historico Nacional.

Miembronan

Director di ATHA a de- clara cu nan a pidi e organi- sacionnan aki pa haci un tiki mas esfuerso pa e temporada aki bende un poco mas carchi pasobra ta nan ta bay benefi- cia di e campaña di carchi di Pasco.

Na 2013, ATHA a recau- da un suma netto di Awg. 27.000,- cu e campaña aki. Banda di esey ATHA a haci un Gala Dinner Exclusivo na White Modern Cuisine y cu un sosten financiero Stichting Zonnige Jeugd di Hulan- da, ATHA a recauda en total Awg. 58.000,- cual a bay bek den proyectonan pa mucha- y hobennan.

Nan miembronan cu a rici- bi un subsidio den 2013 ta entre otro: Casa Cuna Progreso; AJMG Paradera; Scouting Aruba; Club Don Bosco; YMCA; Kindertehuis Imeldahof; Fundacion Son- risa; Fundacion Dori; Centro di Bario Tanki Lender; Cen- tro di Bario Noord; Centro di Bario Playa Pabou; Cen- tro di Bario Brazil; Stichting Vakantiewerk Aruba; Centro



Juvenil Washington; Scol di Musica Rufo Wever; Funda- cion Bon Nochi Drumu Du- shi; FAVI; Parlamento Hube- nil; Fundacion Respetami; Fundacion Pa Nos Muchan- an y Fundacion Coro Infantil y Hubenil Aruba.

Cooperacion

El a destaca cu naturalmente tin un bon cooperacion entre ATHA y su miembronan.

E ta un relacion activo ya cu –segun sr. Hoek– nan ta bishita y papia cu e organisa- cionnan aki.

“Nos ta habri pa nan pa cu- alkier pregunta of problema cu tin. Nan por bin cerca nos hunto nos ta traha pa e proyectonan y actividadnan y mantene e cup mas duradero posibel pa hubentud”, el a bisa. □